

Na osnovu člana 70. Zakona o javnim nabavkama („Službeni glasnik BiH“, broj 39/14 i 59/22), člana 48. Statuta KCUS-a (Sl.novine FBiH br. 73/13), člana 25. Pravilnika o javnim nabavkama Kliničkog centra Univerziteta u Sarajevu (65-04-2-4654-1 od 01.02.2023.godine) na prijedlog Komisije za javnu nabavku Izvještaj broj 73-33-4-34161-3 od 01.10.2024.godine, V.D. Generalnog direktora donosi:

ODLUKU

o izboru najpovoljnijeg ponuđača za
pružanje usluga „Kontrole i servisa PP aparata i hidranata“

I

Prihvata se prijedlog Komisije za javnu nabavku, **Izvještaj broj 73-33-4-34161-3 od 01.10.2024.godine**, za postupak pružanja usluga „**Kontrole i servisa PP aparata i hidranata**“, nakon provedenog ponovljenog otvorenog postupka sa Obavještenjem o nabavci broj 893-1-2-315-3-649/24 od 28.08.2024.godine i okvirni sporazum u trajanju **od 24 (dvadesetčetiri) mjeseca** dodjeljuje ponuđaču **VATROTEH INŽINJERING d.o.o. Sarajevo**, u iznosu od **60.000,00 KM bez PDV-a**, a sve prema dostavljenoj ponudi broj 220/24 od 27.09.2024.godine (KCUS broj 10-11-3-34069 od 26.08.2024.godine), odnosno prema jediničnim cijenama prikazanim u navedenoj ponudi.

Osnovni elementi okvirnog sporazuma:

- Vrijednost okvirnog sporazuma: **60.000,00 KM bez PDV-a+PDV 10.200,00 KM = 70.200,00 KM sa PDV-om;**
- Jedinične cijene čine sastavni dio sporazuma i nepromjenjive su za cijeli ugovoreni period do okončanja ugovorenih obaveza;
- Pružanje usluga će se obavljati u skladu sa zakonskim propisima svakih 6 (šest) mjeseci;
- Uslovi plaćanja: u roku 60 dana od dana izvršenih usluga i ispostavljanja računa;
- Garancija za pružene usluge servisiranja: 6 mjeseci od dana izvršenih usluga i 6 mjeseci garancija za ugrađene rezervne dijelove;
- Vrijeme odziva: 2(dva) dana od potpisivanja pojedinačnog ugovora i izdavanja narudžbenice.

II

Izabrani ponuđač **VATROTEH INŽINJERING d.o.o. Sarajevo**, sa sjedištem u ulici Igmanska bb., 71 320 Vogošća, nije dostavio dokaze u sklopu svoje ponude kojima se potvrđuje vjerodostojnost izjave o ispunjavanju uslova iz člana 45. Zakona o javnim nabavkama („Službeni glasnik BiH“, broj 39/14 i 59/22), te je dužan u roku od 5 (pet) dana od dana prijema ove Odluke, dostaviti original ili ovjerene kopije dokaza tražene tačkom 4.1. Tenderske dokumentacije, ne starije od 3 mjeseca računajući od momenta predaje ponude.

III

Ova Odluka stupa na snagu danom donošenja i u skladu sa zakonskim propisima će biti dostavljena ponuđačima učesnicima postupka javne nabavke i objavljena na web stranici KCUS-a.

OBRAZLOŽENJE

U skladu sa Odlukom br. 73-11-3-30258-1 od 26.08.2024.godine, pokrenut je postupak javne nabavke za pružanje usluga „**Kontrole i servisa PP aparata i hidranata**“. Procijenjena vrijednost nabavke iznosi **60.000,00 KM bez uračunatog PDV-a**, a sredstava su planirana Planom javnih nabavki za 2024.godinu, pod klasifikacijom **Usluge, redni broj 81**. (Odluka o usvajanju Plana JN KCUS-a za 2024.godinu, broj:58/24, broj protokola 65-04-4-3780 od 30.01.2024.godine).

Uslovi plaćanja predviđeni za postupak nabavke su odgođeno plaćanje 60 dana po ispostavljenom računu (na osnovu akta Sektora za finansijsko, knjigovodstvene i planske poslove br. 56-11-3-6066 od 16.02.2024.godine).

Klinički centar Univerziteta u Sarajevu je 28.08.2024.godine, objavio Obavještenje o nabavci broj 893-1-2-315-3-649/24 na portalu e-Nabavke zajedno sa Tenderskom dokumentacijom za pružanje usluga „Kontrole i servisa PP aparata i hidranata“.

Obzirom da je tenderska dokumentacija za postupak nabavke objavljena na portalu e-Nabavke istu je preuzelo 8 (osam) potencijalnih ponuđača, a do krajnjeg roka određenog za prijem ponuda, do 27.09.2024.godine do 09:30 sati na Protokol KCUS-a su dostavljene 2 (dvije) ponude, što je evidentirano i Zapisnikom o zaprimanju ponuda broj 73-33-4-34161 od 27.09.2024.godine, koji čini sastavni dio Izvještaja.

Red. broj ponude	Naziv ponuđača	Broj i datum ponude	KCUS broj, datum i vrijeme prispjeća ponude	Zbir jediničnih cijena bez PDV-a (KM)
1.	VATROTEH INŽINJERING D.O.O. Sarajevo	220/24 od 27.09.2024.godine	10-11-3-34069 od 26.09.2024.godine u 12:30 sati	60.000,00
2.	VATROSISTEMI d.o.o. Sarajevo	24-0100-002216 od 26.09.2024.godine	10-11-3-34148 od 27.09.2024.godine u 08:50 sati	59.999,80

Analiza dostavljenih ponuda

U skladu sa zahtjevima definisanim tenderskom dokumentacijom koje treba da ispune ponuđači da bi stekli uslove za dalju kvalifikaciju u javnom nadmetanju, Komisija imenovana Odlukom br. 01-04-4-34003 od 26.09.2024.godine, je detaljnom analizom dostavljene dokumentacije za predmetni postupak nabavke, konstatovala **da od dvije dostavljene ponude jedna ponuda i to ponuda ponuđača VATROTEH INŽENJERING d.o.o. Sarajevo ispunjava uslove definisane tenderskom dokumentacijom**, odnosno da ispunjava formalno-pravne i tehničke zahtjeve, te je također izvršila i računsku provjeru ponude pri čemu nisu ustanovljene greške i jednoglasno donijela zaključak da je ponuda **prihvatljiva i može učestvovati u daljem toku natjecanja**, dok je je ponuda **ponuđača VATROSISTEMI d.o.o. Sarajevo ocijenjena kao NEPRAVILNA iz razloga što nije dostavljena u skladu sa zahtjevima tenderske dokumentacije**.

Ponuda ponuđača **VATROSISTEMI d.o.o. Sarajevo** ocijenjena je kao nepravilna jer ne ispunjava uslove definisane tenderskom dokumentacijom, tačka 3.1.m) je definisano da ponuđač dostavi: "Listu zaposlenih sa kvalifikacionom strukturom sa dokazima o položenom stručnom ispitu za servisere, minimalno 5 servisera na raspolaganju, kao i dokaz da su ponuđač i serviser/i u poslovnom odnosu (Ugovor o radu ili Ugovor o angažovanju ili Ugovor o poslovnoj saradnji ili Izjavu ponuđača o poslovnoj saradnji sa certificiranim serviserom za predmetni postupak obostrano potpisanu)".

Ponuđač **VATROSISTEMI d.o.o.** je dostavio Rješenje Federalnog ministarstva energije, rudarstva i industrije izdato 08.03.2022.godine kojim je navedeno da ponuđač prilikom izdavanja Rješenja ispunjava uslove za obavljanje predmetne djelatnosti u kojem je navedeno da u radnom odnosu ima 5 servisera sa položenim stručnim ispitom, ali je u svojoj ponudi na Aneksu 6. Lista zaposlenih sa kvalifikacionom strukturom naveo imena 3 (tri) servisera za koje je i dostavio dokaze o položenim stručnim ispitima, što je u suprotnosti sa uslovima definisanim tenderskom dokumentacijom.

Za ovaj postupak javne nabavke planirano je provođenje e-aukcije, ali u skladu sa Pravilnikom o uslovima i načinu korištenja e-aukcije, član 4. Stav 2) u kojem je regulisano kako se e-aukcija ne može provesti u slučaju prijema jedne prihvatljive ponude, Komisija je dala prijedlog da se **postupak okonča u skladu sa članom 69. Tačka 1) a) ZJN**.

Obzirom da je u navedenom postupku nabavke zadovoljena transparentnost, Komisija jednoglasno daje prijedlog Ugovornom organu putem **Izveštaja broj 73-33-4-34161-3 od 01.10.2024.godine**, da se nakon provedenog otvorenog postupka sa Obavještenjem o nabavci broj 893-1-2-315-3-649/24 od 28.08.2024.godine, donese Odluka o izboru najpovoljnijeg ponuđača i okvirni sporazum u trajanju od **24 (dvadesetčetiri) mjeseca** dodjeli ponuđaču **VATROTEH INŽINJERING d.o.o. Sarajevo**, u iznosu od **60.000,00 KM bez PDV-a**, u skladu sa osiguranim sredstvima za predmetnu nabavku, a sve prema dostavljenoj ponudi, broj 220/24 od 27.09.2024.godine (KCUS broj 10-11-3-34069 od 26.09.2024.godine), odnosno prema jediničnim cijenama definisanim Aneksom 2 – Obrazac za cijenu ponude.

Prijedlog Komisije je prihvaćen i donijeta je odluka kao u dispozitivu.



POUKA O PRAVNOM LIJEKU: Protiv ove Odluke može se izjaviti žalba, najkasnije u roku od 10 (deset) dana od dana prijema Odluke. Žalba se izjavljuje Uredu za razmatranje žalbi BiH putem ugovornog organa u pisanoj formi i u dovoljnom broju primjeraka, a koji ne može biti manji od tri.

Dostaviti:

- Ponuđačima
- Tehnički sektor
- a/a KCUS

Mina Šepić